

平定兩金川方畧

三

八

平定兩金川方略

卷八

平定兩金川方略卷之一百四

八月庚戌。阿桂。豐昇額。色布騰巴爾珠爾奏言。

臣等用礮轟擊。遜克爾宗戰礮。東面上截礮牆。

業經轟塌。並將礮門摧破。賊人於礮寨之內復

挖地坑。以爲藏身死守之計。雖督兵力撲。亦可

望其得手。尙恐多至損傷。其西北寨落。已連擊

木柵。將遜克爾宗隔斷。而迤西尙有兩礮。是以

賊人後路。未能盡絕。臣等因令額森特等督率

官兵。砍伐木植。拏柵進逼。復趕鑄大礮。運往轟

擊。至衝天礮。鑄已就。礮車並已造成。試放有

準。

同日。阿杜。豐昇。額色。布騰。巴爾珠爾。又奏言。官

兵環攻。遜克爾宗。賊人力竭。勢窮。不時跪喊求

饒。臣

等屢遣弁兵呵斥。十五日。金川頭人綽窩

斯甲。將僧格桑屍匣刨起呈獻。并將僧格桑之
妾側累。及小金川頭人蒙固阿什咱阿拉。一同
獻出。並稱七圖安堵爾現在患病。隨後亦卽拏
獻。臣等將側累蒙固阿什咱阿拉。并綽窩斯甲。
一併拘留。其僧格桑屍匣。訊係在遜克爾宗後
石窖內起出。當將屍身。令側累蒙固阿什咱阿
拉。及認識之穆塔爾等。一同驗視。衆供俱屬相

符已令割取首級。交文綬暫存省城。俟拏獲索
諾木弟兄及大頭人獻俘時。一併獻馘。臣等揆
度賊情。不過暫爲安頓之計。且仍冀藉此微倖
完事。現在官兵照常趕拏木柵。緊轟大礮。以期
迅速。架入。斷不致稍有稽滯。至七圖安堵爾。已
令跟隨綽窩斯甲散番。前往催取。若金川大頭
人一同前來。并可設法擒戮。

同日。阿桂。豐昇額。色布騰巴爾珠爾。又奏言。指
日攻克遜克爾宗。卽應從日爾巴當噶。發兵搶
佔。一得此處。便可上接凱立葉之兵。會同下壓
噶爾丹喇嘛寺。且大兵從此順梁而下一至河
邊。則賊酋從河南往丹壩之路已斷。而明亮等
又從達爾圖山梁。下至河邊。則賊酋從河北往
丹壩之路亦斷。現在丹壩一路。漢土官兵。幾及

二千以之攻剿。卽爲不足以之堵禦。實爲有餘。
况屆時明亮之兵。應當循河而西。出馬爾邦。庚
額特之後。臣等一路之兵。除緊要後路。尙須節
節留防。並須分兵將賊境東北各寨。逐一掃除。
所需兵力。已爲不少。若再令五岱之兵。帶往丹
壩。會同五福駐守。則於進剿賊巢兵力。轉致不
敷。且各上詞。凜奉

諭旨預派能事頭人於各要隘列兵防守希圖立功
邀

賞。若逆酋等出其境內。必轉以爲奇貨可居。自不肯
任其逋逃藏匿。似可不致疎漏。均奏入。

上諭軍機大臣曰。阿桂等籌辦遜克爾宗。築柵鑄礮。
日漸就緒。自可剋期集事。現屆大功將成。倍宜慎
重。阿桂不欲令官兵輕率撲礮。所見極是。至所奏

金川賊人將僧格桑屍身及側累等呈獻到營。阿桂等僅與拘留。仍照常攻打。不稍弛懈。所見尤是側累等固應解京嚴訊。但不過解審之犯。止應選派妥幹員弁嚴行管押。毋任疎脫。不得謂之獻俘。直待擒獲索諾木兄弟方可行獻俘之典。至僧格桑之妾雖已獻出。而其妻則不肯同獻。自係索諾木因其親姊之故。若是則金川所獻仍屬賊中無

關緊要之人。其肺肝自不能掩。阿桂當時何以不
此語詰之乎。又據奏五岱在阿桂處。既需留辦分
勦分防之用。卽毋庸前赴丹壩。著阿桂檄知五福。
妥爲防範。至各土司見金川滅亡在即。俱欲借此
除害。並立功邀賞。誠心歸順。不敢疎縱。似屬可信。
攻破賊巢之後。逆酋諒無從免脫。亦不虞其自戕。
惟丹巴沃雜爾狡惡異常。恐未必肯束手就縛。務

必設法生致。檻送京師。

同日。陳輝祖奏言。楚省赴川軍士。應需皮衣禦寒。并添補腰刀鋤斧帳房等項。請借撥一季俸餉。解川製備散給。奏入。

上諭軍機大臣曰。川省軍營。如雲貴陝甘各省。調川之兵甚多。且較楚兵更久。其衣履刀仗。歷來作何添補。今陳輝祖專爲楚兵籌計。而各省兵丁。同在

行間。見楚兵獨蒙優恤。相形之下。未免心懈。且于
國家一視同仁之義。亦未得其平。著阿桂卽速查
明各路軍營舊辦章程。如原係各省撥解。陳輝祖
亦照他省之例。自可聽其撥解。如各省俱未辦及。
而此項裝械。必不可少。則應一體辦給。行知文綬
購辦。

臣等謹案各省官兵從征遠調。備具器械。整

飭行李。所以使之專心一力。誠行軍之要務也。陳輝祖以楚兵赴調。請給資裝。我

皇上睿謨廣運。一視同仁。念及雲貴陝甘調集諸軍。

爲時更久。卽命將軍覈實。一體優頒。斯誠

不冒生成。無微不察。宜乎軍中聞

命。挾纊知溫。無不踴躍爭先。勝氣百倍矣。

同日。

上諭軍機大臣曰。逆酋索諾木莎羅奔兄弟。及助逆
之大頭目。如丹巴沃雜爾蒙固阿什咱阿拉。七圖
安堵爾等。罪大惡極。神人共憤。就擒之日。自應解
京誅磔。以快萬姓觀瞻。其餘逆番頭目人等。著卽
就軍前凌遲正法。以釋我軍憤恨。且使各土司番
夷咸知炯戒。

九月辛亥。明亮舒常奏言。查相連俄坡之木克

什。前此奎林攻奪山頂一礮。因察看情勢。其下
左右。卽係兩山腿迴抱深溝。箐林蒙密。前途恐
有隔礙。是以暫捨不攻。現詢之綽斯甲布頭人
薩木卡爾。稱穿過箐林。惟溝口有戰礮二座。過
此以往。卽係沿江大路。其間木闌曲雙克瑪斯
達等處。寨落甚多。爲賊境人戶最多之處。卽索
諾木現住納木迪官寨。亦在斯達左側。出此下

歷未嘗不可等語。臣等正在籌辦間。恭奉

諭旨。俄坡一帶。亦須將所有賊碉剿淨。使無可緣之
徑。隨派和隆武先往。將在前二碉。用礮轟摧。隨
選滿漢屯土各兵。於十六日進攻。將近黎明。起
大霧迷漫之候。分作四股並下。和隆武先將第
一碉攻克。其第二碉則派珠爾格德進攻。第三
碉則派三寶。其旁尙有大石卡一座。則派阿爾